

EADEM DIE.

S. LEODEGARII EPISCOPI ET MARTYRIS.

MEMORIA.

Oratio.

LÆTETUR Ecclēsia tua Deus, beāti Leodegárii, Mártýris tui atque Pontíficis, confisa suffrágiis : atque ejus précibus gloriósis et devóta permáneat ꝫ et secúra consistat : Per.

DIE XII. OCTOBRIS.

B. JACOBI AB ULMA CONF. ORD. PRÆD.

DUPLEX.

Oratio.

DEUS, qui beátum Jacóbum, Confessórem tuum, humilitátis et obediéntiæ virtúte mirabíliter decorásti : ejus intercessióne fac nos terréna despícere ꝫ et mandátis tuis júgiter inhærere : Per.

DIE XIII. OCTOBRIS.

S. EDUARDI REGIS, CONFESSORIS.

DUPLEX.

Oratio.

DEUS, qui beátum Regem Eduárdum, Confessórem tuum, æternitátis glória coronásti : fac nos, quæsumus, ita eum venerári in terris ꝫ ut cum eo regnare possimus in cælis : Per.

DIE XIV. OCTOBRIS.

B. MAGDALENÆ DE PANATERIIS VIRG. ORD. PRÆD.

DUPLEX.

Oratio.

DEUS, qui néminem in te sperántem désaris ꝫ et pie deprecántem misericórditer exáudis : tribue, quæsumus, ut quod nostris méritis non valémus ꝫ beátæ Magdalénæ Vírginis patrocínio consequámur : Per.

In j. Vesperis Memoria S. Callisti Papæ et Martyris.

Oratio.

DEUS, qui nos cónspicis ex nostra infirmitáte defícere ꝫ ad amórem tuum nos misericórditer per Sanctórum tuórum exémpla restáura : Per.